



FONDACIJA TUZLANSKE ZAJEDNICE
GODIŠNJI IZVJEŠTAJ 2006





Poštovani prijatelji Fondacije tuzlanske zajednice,

Pred Fondaciju tuzlanske zajednice, kao organizaciju civilnog društva stavlju se posebni zahtjevi za transparentnost u radu. Izdavanje godišnjeg izvještaja za 2006. godinu je jedan od načina da na vidljiv način prezentiramo rad Fondacije i da time pokažemo našu otvorenost prema građanima Tuzle.

Fondacija tuzlanske zajednice promovira organizirano djelovanje svih aktera u zajednici, uz obavezno uključivanje mladih u lokalne razvojne procese. Naše aktivnosti su usmjereni ka zблиžavanju građana i zблиžavanju mladih koji istinski vole svoj grad i koji vjeruju da lokalne akcije mogu doprinijeti opštem poboljšanju kvalitete življenja u Tuzli. Kroz sve svoje aktivnosti mi radimo na integraciji zajednice, izgradnji partnerskih odnosa unutar zajednice i pozivanju na društvenu odgovornost. Jer upravo razvoj države i društva u cjelini, u velikoj mjeri, zavisi od razvojnih inicijativa i aktivnosti koje se dešavaju u mikro okruženjima.

Vjerujemo da je dobrobit svakog pojedinca povezana sa dobrobiti ostalih ljudi u zajednici i da razvoj zajednice zavisi upravo od kvalitete odnosa među ljudima unutar te zajednice. Sigurni smo da se organiziranim djelovanjem svih aktera u zajednici mogu dugoročno stvoriti uslovi za unaprijeđenje življenja, a porastom dobrovoljnog davanja vlastitih resursa za opšte dobro doći će do bržih pozitivnih i vidljivih promjena u zajednici.

Naš dugoročni cilj je da se unutar Fondacije stvori trajni i fleksibilni fond poklonjenih sredstava za razvoj Tuzle, kroz koji će ona pružati kvalitetan servis donatorima u vidu izdavanja donacija i pokretanja posebnih razvojnih inicijativa i programa za dobrobit Tuzle. Indirektno, radili bi kontinuirano na jačanju kapaciteta neprofitnih organizacija i grupa koje rade za dobrobit tuzlanske zajednice.

Nadamo se da ćete i dalje pratiti rad Fondacije!

S poštovanjem,

Ekrem Jusufović, Predsjednik Upravnog odbora
Jasna Jašarević, Izvršna direktorica

FONDACIJA TUZLANSKE ZAJEDNICE

GODIŠNJI IZVJEŠTAJ 2006

Sadržaj

Šta je lokalna fondacija za razvoj zajednice?.....1

FONDACIJA TUZLANSKE ZAJEDNICE vizija misija ciljevi2

UVOD3

I PROGRAMI FONDACIJE I AKTIVNOSTI U 2006. GODINI4

1. RAZVOJ "AGORA" CENTRA U SIMIN HANU4

1.1. Sastanci aktera i organiziranje zajednice Simin Han4

1.2. Savjet "Agora" centra5

1.3. Volonteri u Agora centru6

1.4. Edukativni kursevi6

1.5. Društvene i kulturne aktivnosti6

2. OSNAŽIVANJE MLADIH KROZ YEPP PROGRAM ZA MLADE7

2.1. YEPP na međunarodnom nivou7

2.2. YEPP na lokalnom nivou7

2.2.1. "Community TV" - Video priče iz lokalne zajednice7

2.2.2. "Leadership " trening8

3. RAZVOJ ZAJEDNICE I OTVORENO OBRAZOVANJE9

3.1. Razvoj otvorenih škola9

3.2. Organiziranje zajednice10

4. PODRŠKA GRAĐANSKIM INICIJATIVAMA11

4.1. Opći Fond za razvoj zajednice.....11

4.2. Lista podržanih građanskih inicijativa u 2006. Godini.....12

4.3. Fond za mlade Omladinska banka Tuzla.....13

II SARADNJA I UMREŽAVANJE.....14

III PROMOCIJA FILANTROPIJE I VOLONTERIZMA.....15

IV FINANSIJSKI IZVJEŠTAJ 2006. GODINE.....16, 17

V ZAHVALNICE.....18

VI RIJEČ VIŠE O FONDACIJI TUZLANSKE ZAJEDNICE.....19

Šta je lokalna fondacija za razvoj zajednice?

Novi trend razvoja fondacija u zapadnim zemljama povezan je sa razvojem fondacija lokalnih zajednica (Community Foundation). Fondacija lokalne zajednice je nezavisna, dobrovorna organizacija, osnovana s ciljem da podmiri kritične potrebe i poboljša kvalitet življenja na određenom geografskom području, kao što je grad ili regija.

Ove fondacije djeluju kao prijenosnici, prikupljajući i preraspodjeljujući darove i podrške dobivene od raznih donatora. Dok fondacija lokalne zajednice djeluje kao izvor sredstava lokalnim neprofitnim organizacijama, ona igra još veću ulogu kao čimbenik socijalne promjene.

Ta organizacija je posebno posvećena unapređenju vitalnosti zajednice. Privlačeći i mobilizirajući nove resurse, te stvarajući partnerstvo među građanima u zajednici, poduzetnicima, neprofitnim organizacijama i vladama, ove fondacije služe kao važan mehanizam za rješavanje problema na lokalnom nivou i izgradnji samopouzdanja u zajednici.

Promovirajući vrijednosti dobrovoljnog darivanja i volonterstva, te služeći kao posrednik za sve ljudе u zajednici, bez obzira na ekonomski sredstva kojim fondacije raspolažu za trajan uticaj u zajednici, oni promovišu prepoznatljiv i pristupačan model filantropije.

Jednom, kad je osigurala postojanje fondacijske imovine osnovnih sredstava, fondacija lokalne zajednice može se dalje, dugoročno i sistematicno, baviti problemima u lokalnoj zajednici, zadržavajući fleksibilnost da prepozna nove potrebe koje se javljaju tokom vremena.

Fondacije lokalnih zajednica stavljuju se kao okvir za razvoj civilnog društva odozdo.

Community (engl.) zajednica
Foundation (engl.) - fondacija

FONDACIJA TUZLANSKE ZAJEDNICE

Vizija Fondacije

Kroz partnerstvo i saradnju stvaramo bolje uslove življenja.....

"Fondacija tuzlanske zajednice je inovativna, neprofitna organizacija otvorena za saradnju sa građanima, predstavnicima vlasti, nevladinim organizacijama, poduzetnicima i drugim akterima, koja podržava razvoj lokalne zajednice u cilju osnaženja društva u cjelini."

Misija Fondacije:

Poklonimo zajednici, poklonili smo sebi...

"Fondacija tuzlanske zajednice u saradnji sa različitim partnerima ima za cilj promociju filantropije i volonterizma radi podizanja svijesti građana o važnosti aktivnog učešća u razvoju lokalne zajednice i društva u cjelini. Predstavljamo prepoznatljiv servis za pružanje usluga kroz: razvijanje konsultativnih i edukativnih programa, uključivanje i osnaživanje mladih, podržavanje građanskih inicijativa i umrežavanje. "

Generalni cilj Fondacije:

Razvijajmo lokalne zajednice kao prvu stepenicu u razvoju društva...

"Podrška razvoju lokalne zajednice i otvorenog obrazovanja, a time i podrška razvoju društva u cjelini."

Specifični ciljevi Fondacije:

Promocija filantropije i volonterizma

FTZ promovira filantropiju i volonterizam s ciljem da motivira građane na aktivno učešće u procesu razvoja zajednice, kroz davanje vlastitih resursa (znanja, novca, vremena) za dobrobit zajednice. U cilju samoodrživosti lokalne filantsropske Fondacije važno je postojanje mogućih lokalnih izvora finansiranja, biznisa i zaposlenih pojedinaca koji su spremni dobrovoljno ulagati u budućnost zajednice i redovno izdvajati sredstva i ostale resurse za Fond za budući razvoj zajednice.

Promocija metoda i vještina procesa organiziranja zajednice i mladih

FTZ aktivno radi sa članovima lokalne zajednice na identifikaciji potencijala i resursa u zajednici i organizira, implementira i podržava aktivnosti koje mogu poboljšati kvalitet življenja u lokalnoj zajednici.

Philanthropy (engl.) čovjekoljublje, ljubav prema čovjeku

UVOD

Potrebe zajednice se stalno mijenjaju, tako da Fondacija tuzlanske zajednice svojim fleksibilnim programima, pokušava na adekvatan način odgovoriti na trenutne inicijative i akcije koje identifikuju sami građani Tuzle. Za brzo i efikasno djelovanje u zajednici posebno je interesantan **Program izdavanja malih grantova za građanske inicijative i inicijative mladih**. Ovaj program su prepoznali i prihvatali građani Tuzle kao jedan od najefikasnijih programa Fondacije.

S obzirom da je Fondacija tuzlanske zajednice operativna fondacija, to smo i tokom 2006. godine, uz program izdavanja «grantova», nastavili sprovoditi i druge projekte za razvoj i osnaživanje mladih i zajednice u cijelini. U saradnji sa mjesnim zajednicama i otvorenim školama kao generatorima lokalnih inicijativa, krenuli smo u proces **organiziranja zajednice**, gdje stanovnici postaju subjekti promjena, preuzimaju kontrolu i aktivno doprinose unapređenju života u zajednici.

U okviru **Programa za osnaživanje mladih**, nastavili smo sa **Treningom za mlađe vode** u saradnji sa OŠ Simin Han i OŠ Slavinovići pri čemu je najveće zadovoljstvo kod mladih učesnika izazvao ljetni kamp u Priluku za 30 učesnika iz Tuzle, Kaknja i Švedske.

Osnaživanje i uključivanje mladih u razvoj zajednice, pokušali smo ostvariti i kroz video projekat **«Priče iz lokalne zajednice»**. Ovaj projekat realiziramo u saradnji sa UG «Kuća plamena mira» iz Tuzle. U 2006. godini, grupa mladih, okupljena oko ovog projekta, proizvela je dva kratka filma koja pričaju priče o mladima u našem gradu. Jedan film o Romkinji iz Tuzle je osvojio 2. mjesto na takmičenju za najbolji film o Romima u Strazburu u Francuskoj, u novembru 2006. godine, a drugi kratki film je osvojio čak 1. mjesto na Ibsenovom takmičenju u Norveškoj, u septembru 2006. godine. Projekat okuplja grupu od 25 mladih Tuzlaka, zainteresiranih za učenje o režiji, scenariju i montaži sa kojima nastavljamo raditi i u 2007. godini.

Program razvoja društveno-kulturnog centra u Simin Hanu, tzv. «Agora centra», je nastavljen i tokom 2006. godine. Pored Mjesne zajednice Simin Han i Fondacije, Agora centar redovno koriste i Aktiv žena Simin Han, penzioneri Simin Hana, te Vijeće mladih Simin Hana. Kao vid organiziranog djelovanja građana, pokrenuli smo formiranje neformalnog Savjeta Agora centra, a nastavljeno je održavanje i redovnih «Sastanaka aktera» Simin Hana, radi pokretanja društvenih akcija i redovne razmjene informacija. Ovakav model saradnje sa građanima u lokalnoj zajednici smo, od septembra 2006. godine, pokrenuli u još četiri mjesne zajednice na području Tuzle: Gornja Tuzla, Husino, Solina i Tušanj. Karakteristično za naš program organiziranja i razvoja zajednice je obavezno učešće mladih u svim aktivnostima u zajednici.

I naravno, s obzirom da je priča o Fondaciji tuzlanske zajednice započela kroz **međunarodni partnerski Program za osnaživanje mladih YEPP**, neophodno je bilo održati kontakte na međunarodnom nivou, odazivati se na susrete i studijske posjete u YEPP mjesta koja rade na sličnim projektima osnaživanja mladih i zajednice kao i mi. Naših osam mladih Tuzlaka je učestvovalo na dva međunarodna susreta: u martu 2006. godine, na 2. YEPP konferenciji u Torinu, a u septembru 2006. godine, na Ibsenovom takmičenju i medija radionicu u Norveškoj u Skienu.

Grant (engl.) donacija, poklon



I PROGRAMI FONDACIJE I AKTIVNOSTI U 2006. GODINI

1

RAZVOJ
"AGORA" CENTRA
U SIMIN HANU

"Agora" centar u Simin Hanu je društveno-kulturni centar koji otvara mogućnost građanima Simin Hana i Tuzle da kroz neformalno obrazovanje stiču nova znanja i vještine, ali i da ostvare saradnju i partnerstvo kroz zajedničke sastanke, seminare i projekte za razvoj lokalne zajednice. Ovaj društveni centar, u kome su smještene i prostorije Mjesne zajednice Simin Han, nudi različite sadržaje:

- Pristup informacijama i uslugama (kancelarija MZ Simin Han, lokalna udruženja i Fondacija, Internet, Radio, TV, umrežavanje, sastanci, seminari, forumi, itd)
- Podrška aktivnim građanima, otvorena komunikacija, izgradnja partnerstva, učešće u donošenju odluka na lokalnom nivou
- Izgradnja kapaciteta i razvijanje novih sposobnosti kroz seminare i treninge
- Poboljšanje kvalitete življjenja: društvenog, kulturnog i sportskog života u naselju kroz kafe za zajednicu, društvene igre, proslave značajnih dataka, itd.

"Agora" centar je otvoren već tri godine, a redovni korisnici su:

- Javne institucije (3): Mjesna zajednica, Osnovna škola, Ambulanta
- Organizacije (7): Aktiv žena, Udruženje penzionera, Fondacija tuzlanske zajednice, HD "Prijateljice" Tuzla, UG MIOS, UG Regionalni centar Vijeća škole i roditelja TK, Omladinski centar IPAK.
- Pojedinci: 30-50 pojedinaca dnevno.

Povremeno, centar koriste i druge organizacije i institucije iz Tuzle, koje imaju potrebu za korištenjem ovako prilagođenog, opremljenog i uređenog prostora, npr. IRC, Referentna grupa, džamija, itd. Povremeno iznajmljivanje prostora, članarina redovnih korisnika Interneta i drugih usluga kafe-a su jedan od načina da se održi rad centra i kafe-a.

1.1. Sastanci aktera i organiziranje zajednice Simin Han

Lokalne organizacije i institucije u Simin Hanu: škola, MZ, sportska i druga udruženja, već tri godine kontinuirano se sastaju u Agora centru i može se reći da je ova zajednica dobar primjer samoorganiziranog djelovanja građana u cilju pozitivnih promjena u zajednici.

Akteri se sastaju u Agora centru svakog drugog mjeseca. Pored razmjene informacija o aktivnostima pojedinačnih organizacija, sastanci aktera su i osnova za dogovore oko organiziranja zajedničkih društvenih akcija: u maju 2006. godine, organizirane su 4 akcije čišćenja u 4 naselja u Simin Hanu, te u junu 2006. godine organiziran je Sajam koji je već postao tradicionalno okupljanje građana Simin Hana.

U organizaciji Sajma, aktivno su učestvovali: aktiv žena, udruženje penzionera, fudbalski klub, lovački dom, OC Ipak, Vijeće mladih. Treba istaći da je Sajam odlična prilika za cijelu zajednicu da se integrira i zbliži, te ojača osjećaj pripravnosti zajednici, posebno za građane koji su se ovdje doselili tokom rata. Proljetni Sajam u Simin Hanu polako prelazi u tradiciju i već je postao jedinstven događaj prepoznatljiv i u ostalim dijelovima Tuzle. U ovoj godini je završena i zajednička kampanja postavljanja semafora na raskrsnici u Simin Hanu

1.2. Savjet "Agora" centra

U avgustu 2006. godine, korisnici Agora centra su se dogovorili oko formiranja Savjeta "Agora" centra u cilju razvijanja strategije za održivost rada ovog društvenog centra. U radu Savjeta učešće su uzeli i predstavnici Vijeća mladih Simin Hana. Savjet se do kraja godine upoznavao sa resursima centra, pravilnicima i trenutnim sadržajima u centru, nakon čega je dogovoren da se izradi Katalog aktivnosti svih korisnika, sa posebnim naglaskom na rad volontera. Savjet centra se dogovorio da preuzme organizaciju Proljetnog sajma za 2007. godinu. Voditeljica programa za organiziranje zajednice pri Fondaciji, redovna je članica Savjeta i trenutno se brine o sadržajima sastanaka i planiranju rada Savjeta. Inače, uloga Savjeta "Agora" centra je konsultativna, a njegovi zadaci u narednom periodu će biti:

- Pomoći domaćinu centra (trenutno Fondaciji) da napravi godišnji budžet i da radi na namicanju sredstava za centar
- Inicirati nove programe koji će najbolje odgovarati potrebama zajednice
- Podržati domaćina centra da uradi mapiranje potreba zajednice i evaluaciju programa.
- Učestvovati u procesu definiranja ili potvrđivanja kućnih pravila i procedura u vezi sa radom centra
- Raditi na promoviranju centra u cilju povećanja broja korisnika centra
- Predlagati organizacijama koje provode aktivnosti u centru kako da poboljšaju svoje usluge i ponude za mlade i ostale građane.
- Saradživati sa lokalnim akterima u cilju poboljšanja uslova življenja u zajednici i biti veza između građana, vlasti, agencija i donatora centra.



U 2006. godini, Agora centar je dobio privatnu donaciju od Njemice, gđe Frost, članice porodice Freudenberg, čija privatna fondacija podržava rad FTZ. Prema želji gđe Frost, novac će biti usmjeren na razvoj, promociju i jačanje kapaciteta ovog centra. Savjet centra će biti direktno zadužen za predlaganje konstruktivnih ideja za usmjeravanje ove donacije.

1.3. Volonteri u Agora centru

Fondacija tuzlanske zajednice kroz rad i vođenje „Agora“ centra nudi stranim i domaćim volonterima prostor i podršku za organiziranje i vođenje samostalnih aktivnosti u cilju usavršavanja i prakticiranja svojih znanja i vještina.

Kako i u prethodnim godinama, tako i u 2006. godini, u Agora centru, svakodnevno boravi i radi po jedan volonter iz njemačke volonterske organizacije „Jesuit European Volunteers“ (skraćeno JEV). Volonterka iz prethodne godine, Christiana Sweiger je završila svoj program rada u avgustu 2006. godine, a nova volonterka, Nathalie Rajević, je stigla u septembru 2006. godine. Obje volonterke su radile na organiziranju kreativnih radionica za djecu, sedmičnoj organizaciji kina za djecu i odrasle, te drugim društvenim aktivnostima u kafe-u. JEV volonterka nam pomaže oko pripreme za sastanke i treninge, društvene događaje i seminare, te dekorativnom uređenju centra, na čemu joj se i ovom prilikom iskreno zahvaljujemo.

JEV organizacija već 6 godina ima praksu da šalje 4 mlada volontera/ke da žive i rade u Tuzli, na period od 1 godine (od septembra do avgusta). Svi JEV volonteri su uzrasta od 18-20 godina i do sada su bili angažirani u četiri organizacije u Tuzli: HD Prijateljice Tuzla, u okviru projekta «Kuća za žene i djecu» Simin Han; JU Dom za djecu bez roditeljskog staranja Tuzla; Koraci nade Tuzla, rad sa djecom sa posebnim potrebama, a od 2003. godine, i Fondacija tuzlanske zajednice u okviru projekta razvoja «Agora» centra. Pored JEV volontera, u 2006. godini smo nastavili saradnju i sa volonterkom iz Španije, Inmom Serrano, koja samostalno vodi kurs španskog jezika u Agora centru.

U drugoj polovini 2006. godine, otvorili smo mogućnost i domaćim volonterima da se jave u centar kako bi se okušali u samostalnom vođenju tematskih grupa u centru i time usavršili svoja znanja i vještine.

Domaća volonterka iz Simin Hana, Erna Lutvija, od novembra 2006. godine pomaže JEV volonterki u pripremi kreativnih radionica za najmlađe, a ponudila je i podršku projektu organiziranja zajednice.

1.4. Edukativni kursevi

U cilju promocije otvorenog obrazovanja i mogućnosti za cjeloživotno učenje, tokom 2006. godine, realizirali smo tri obrazovna kursa u proljetnoj i jesenjoj sezoni, koji su komercijalnog tipa kako bi se započeo samoodrživ rad Agora centra.

Kurs računara završilo je 12 polaznika, dok smo na kursu engleskog jezika imali 29 polaznika. Kurs španskog je besplatan jer ga vodi volonterka iz Španije, koji je u protekloj godini pohađalo 26 polaznika. Kurs engleskog jezika je u potpunosti samoodrživ, što je pozitivan znak da Simin Han zaista treba ovakav vid otvorenog obrazovanja.

1.5. Društvene i kulturne aktivnosti

Građani Simin Hana, a posebno mladi, imali su priliku da provode i večernje sate u kafeu Agora centra. Naime, kafe je opremljen društvenim i zabavnim igrama (Šah, pikado, monopoli, karte), a srijedom se redovno održava kino za najmlađe. Moguće je organizirati proslave praznika, kao što su to u 2006. godini činile članice

moviramo i proslave rođendana i značajnih dana u godini, kako
ihov, da im pripada i da se ovdje mogu ponašati domaćinski.

Sim



2.1. YEPP na međunarodnom nivou

Naziv YEPP⁽⁵⁾ koristimo kao skraćeni naziv za Partnerski program osnaživanja mladih, koji predstavlja početnu tačku razvoja Fondacije tuzlanske zajednice. Jedan od najvrijednijih segmenata YEPP programa je njegova međunarodna dimenzija i umrežavanje sa drugim zemljama Evrope. Kroz YEPP program, veliki je broj mladih, uključenih u projekte Fondacije na lokalnom nivou, imalo priliku učestvovati u nekom međunarodnom susretu sa ostalim YEPP centrima⁽⁶⁾.

Mreža YEPP centara je neizmjeran izvor ideja i znanja za projekte osnaživanja mladih i zajednice koje provodimo na lokalnom nivou.

Glavni ured YEPP-a je u Berlinu, koji koordinira rad saradnju svih YEPP centara i organizirao je 2. YEPP konferenciju u martu 2006. godine u Torinu u Italiji. Tuzlanski predstavnici, pored lokalne YEPP koordinatorice i YEPP evaluatorice ispred Fondacije, bile su i četiri mlade osobe uključene u projekte Omladinske banke, tzv. "Community TV-a" i "Leadership-a".

Ove godine, u okviru YEPP-a, pokrenuta je inicijativa za razmjenu znanja iz medijskih i video projekata, pod nazivom "**EmpowerMediaNetwork-EMN**"⁽⁷⁾. Kroz ovu međunarodnu mrežu, otvaraju nam se nove mogućnosti za povezivanje mladih iz Tuzle sa ostalim evropskim zemljama iz oblasti slobodnih medija.

2.2. YEPP na lokalnom nivou

2.2.1. "Community TV" - Video priče iz lokalne zajednice

Za potrebe medija projekata i razmjene unutar EMN mreže, uspostavili smo saradnju sa lokalnim profesionalnim kućama koje se bave video produkcijom: UG "Kućom plamena mira" iz Tuzle i RTV Tuzlanskog Kantona. Zajednički smo pokrenuli projekat pod nazivom "Video priče iz lokalne zajednice" u okviru kojeg je okupljena grupa od 25 mladih zainteresiranih za učenje o režiji, scenariju i montaži. Grupa je tokom 2006. godine proizvela dva kratka filma:

- film o Romkinji iz Tuzle u trajanju od 10 minuta, koji je na takmičenju i kampanji za prava Roma, pod nazivom «Dosta», osvojio 2. mjesto. Takmičenje za najbolji film o Romima je održano u oktobru 2006. godine, u Strazburu u Francuskoj, u organizaciji Vijeća Evrope. Kuća plamena mira i Fondacija kao autori filma su primili novčanu nagradu u iznosu od 1000 Eura.

(5) Youth Empowerment Partnership Program (engl)

Partnerski program osnaživanja mladih

(6) YEPP centri: Kristinestad-Finska, Antwerpen-Beliga, Torino-Italija, Mannheim-Njemačka, Tuzla-B&H, Dublin-Irska

(7) EmpowerMediaNetwork-EMN (engl)

Mreža za osnaživanje kroz medije

- drugi film je snimljen u trajanju od 3 minute, za potrebe učešća na takmičenju »The Cube of Ibsen» (www.ibsen.as) u Norveškoj, u septembru 2006. godine. Svi YEPP centri su dobili pravo učešća na takmičenju koje se održalo u čast norveškog dramaturga Henrika Ibsena⁽⁸⁾. Naš film pod nazivom «Izlaz», je osvojio 1. nagradu u kategoriji evropskih filmova, u novčanom iznosu od 2500 Eura.

Pored promocije na međunarodnom nivou kroz YEPP mrežu, oba filma su prikazana javnosti u Agora centru i u Kući plamena mira.

Sredstva dobivena od ovih nagrada će se koristiti u 2007. godini za nastavak projekta. Mladi će proći kroz praktični trening o pisanju scenarija, o fotografiji i video snimanju, te montaži filmova kako bi i sami mogli napraviti "Priče iz lokalne zajednice". Teme na koje će se raditi priče i filmovi iz zajednice će birati mladi uključeni u trening, zavisno od njihovih interesovanja i aktuelne problematike mladih. Finalni proizvodi su snimljene priče iz zajednice koje će biti emitovane na Televiziji tuzlanskog kantona u okviru programa za mlade.

2.2.2. "Leadership⁽⁹⁾" trening

Projekat za mlade "lidere" provodimo već tri godine u saradnji sa švedskom organizacijom "Unga Ornär"⁽¹⁰⁾. Osnovna ideja projekta je da motiviramo mlade na aktivno učešće u demokratskom razvoju zajednice. Mladi se motiviraju na učešće kroz inter-aktivnu obuku o različitim ulogama vođe i članova tima, timskom radu, organiziranju volonterskih akcija za dobrobit zajednice, te kroz susrete mladih na ljetnim kampovima i kroz studijske posjete sličnim organizacijama mladih u B&H i Švedskoj. Švedska organizacija "Unga Ornär" ima stogodišnje iskustvo u radu sa mladim liderima tako da koristimo njihova znanja i praktične primjere za animiranje mladih u Tuzli.

U prve dvije godine saradnje, projekat smo radili sa mladima iz OŠ Simin Han i OC IPAK-a Simin Han. Od juna 2006. godine, proširili smo projekat i na Osnovnu školu Slavinovići iz Tuzle. Projekat u ove dvije škole podržava švedska fondacija "Gustav Vth Anniversary Foundation" na period od 1 godine.

U drugoj fazi projekta, važno je bilo uključiti starije "lidere", koji su već prošli trening iz liderstva, da samostalno pripremaju vježbe i radionice za mlađe "lidere" u ove dvije škole. U julu 2006. godine, započeli smo sa radom u grupama sa po 15-20 članova, a sastanci se održavaju svake sedmice u ove dvije škole.

U julu 2006. godine, ponovno smo organizirali ljetni kamp za mlade, u kome je učestvovalo 30 "lidera" sa projekta. Gosti na ljetnom kampu su bili partneri iz Švedske, te organizacija "Mladi sokolovi" iz Kaknja, koja još od ranije sarađuje "Unga Ornär-om".

(8) »Cube of Ibsen» (www.ibsen.as),
(9)Leader (engl.) vođa; leadership vodstvo, vođenje
(10) Unga Ornär (Šved.) Mladi sokolovi

Otvoreno obrazovanje je filozofija obrazovanja koja direktno podupire razvoj zajednice, jer otvara mogućnost da škole, institucije, javne i privatne agencije i građani postanu odgovorni akteri u definisanju potreba zajednice i povezivanju potencijala zajednice.

U procesu promocije otvorenog obrazovanja, Fondacija tuzlanske zajednice radi u partnerstvu sa međunarodnim udruženjem "Inter-aktivne otvorene škole" ili skraćeno "MIOS-om". Njemačka fondacija "Freudenberg Stiftung" finansijski podržava Fondaciju, ali i MIOS organizaciju kroz posebnu inicijativu za razvoj Programa otvorenog obrazovanja u Tuzli.

Prema tome, u okviru Programa otvorenog obrazovanja, Fondacija i MIOS nastupaju zajednički, pri čemu se Fondacija bavi programima podrške mladima, podrškom samoorganiziranim akcijama u zajednici i motiviranjem građana na društvenu akciju, dok se MIOS, pored podrške zajednici, bavi i pružanjem podrške školskom menadžmentu i nastavnom osoblju škole, te učenicima i roditeljima u cilju otvaranja škole prema zajednici.

3.1. Razvoj otvorenih škola

Škole su generatori akcija u zajednici i zbog toga je veoma važno uspostaviti dobru saradnju sa školom kada se razgovara o problemima zajednice i načinima rješavanja tih problema.

U periodu od 2006-2008 godine, MIOS će raditi na projektima «Škola za sve» i «Razvoj inkluzivnih škola» u cilju pružanja podrške školama da steknu kompetencije i postanu važan faktor razvoja društva, da postanu pokretači razvojnih inicijativa unutar svoje škole i svojih lokalnih zajednica. Kroz formiranje Razvojnih timova škole, stvaraju se kapaciteti koji će dugoročno biti osposobljeni da propagiraju otvoreno obrazovanje, servisno i cijeloživotno učenje svih članova zajednice.

U 2006. godini, dogovreno je da MIOS, za potrebe ova dva projekta, u 2007. godini otvoriti dva Fonda za razvoj otvorenih škola u Tuzli pri Fondaciji tuzlanske zajednice. Fondacija će pružiti usluge rukovanja ovim Fondovima kroz izdavanje mini - grantova za 12 škola iz tuzlanskog kantona koje su uključene u ove projekte.

Dugoročni plan Fondacije je da zadrži Fond za razvoj škola u Tuzli otvorenim za sve buduće donatore kojima je obrazovanje primarni interes.

3.2. Organiziranje zajednice

Organiziranje zajednice je još jedan dio kompleksnog procesa razvoja zajednice. Pored rada sa aktivistima iz Simin Hana i Savjetom Agora centra još neki primjer iz oblasti organiziranja zajednice su već navedeni u prethodnim naslovima, kao što je projeljetni sajam, akcije čišćenja, kampanja za postavljanje semafora, itd.

Poseban vid organiziranja zajednice smo imali priliku upoznati na 2. YEPP konferenciji u Torinu, u martu 2006. godine. Tada smo slušali prezentaciju "organizatora zajednice" iz Amerike, gosp. Paul-a Cromwella o načinu organiziranja i rada sa članovima zajednice koji je on prakticirao u proteklih 25 godina u SAD-u. Nakon ove konferencije, pozvali smo gosp. Cromwell-a da posjeti Tuzlu i upozna se sa aktivistima koji su već uključeni u organiziranje volonterskih društvenih akcija za dobrobit zajednice ne samo iz Simin Hana, nego i iz drugih dijelova Tuzle.

Gosp. Cromwell nas je posjetio u maju 2006. godine, kada smo organizirali jednodnevno savjetovanje na temu "organiziranja zajednice", za sve zainteresirane NVO-e sa područja Tuzle, koje se bave ovom oblasti. U savjetovanju su učestvovali predstavnici BOSPO-a, CCI-ja, Udruženja Vesta i Referentne grupe iz Tuzle, te predstavnici UG ARA iz Bijeljine.


U istom mjesecu, zajedno sa P. Cromwellom, posjetili smo Centar za mir i nenasilje iz Osijeka i time otvorili regionalnu saradnju na temu aktivnog građanstva i organiziranja zajednice. Već u novembru 2006-te godine, organizirali smo regionalni susret aktivista iz Osijeka i Tuzle, na kome je učestvovalo 9 predstavnika iz tri lokalne zajednice iz Hrvatske (Dajl, Tenja, Beli Manastir) i 12 aktivista iz pet mjesnih zajednica Tuzle (Simin Han, Husino, G.Tuzla, Solina, Tušanj). VŠR OŠ Tušanj je u toku posjete Osječana, organizovalo javnu tribinu na temu "Priključimo školu na centralno grijanje" koja je uzeta kao primjer za diskusiju i praktičnu evaluaciju ove društvene akcije.

Kolege iz Osijeka već dugi niz godina rade na projektu "Volonteri u izgradnji mira i zajednice" gdje su upravo stekli velika iskustva iz oblasti društvene akcije i samo-organiziranja građanstva.


U septembru 2006. godine, na osnovu iskustava stečenih u radu sa aktivistima iz Simin Hana, pokrenuli smo proces organiziranja zajednice u još 4 MZ u Tuzli. Projekat smo nazvali "Naša zajednica naša odgovornost" a radimo ga u partnerstvu ponovno sa MIOS organizacijom.

Do kraja godine formirane su 4 grupe za podršku u ovim zajednicama koje se sastoje od predstavnika lokalnih povjereničkih odbora, škole, vijeća učenika i drugih udruženja koja se žele uključiti u zajedničko planiranje razvoja zajednice. Članovi lokalne grupe za podršku su tzv. "multiplikatori" koji će biti pokretači i inicijatori društvenih akcija i drugih aktivnosti za poboljšanje uslova življenja u zajednici. Vjerujemo da će oni animirati i druge članove zajednice da se uključe u društvene akcije u svojoj zajednici.

PODRŠKA GRADANSKIM INICIJATIVAMA



■ Br. Projekata



■ KM

Generalni cilj programa pružanja podrške **građanskim inicijativama** i inicijativama mlađih je da probudimo građanski aktivizam i da motiviramo građane na samoorganiziranje i društvenu akciju. Smatramo da smo ostvarili postavljene ciljeve, jer je sigurno da se u protekloj godini znatno povećao interes građana za kandidiranje projekta, volonterskih aktivnosti i samoinicijativa za dobrobit zajednice.

4.1. Opći Fond za razvoj zajednice

Grant program za podršku malim inicijativama građana, pokrenut je još prije tri godine, u saradnji sa stranim donatorima i do danas je podržano 40 malih projekata građana u ukupnom iznosu od 22.274,00 KM. Prosječan iznos granta je 600 KM.


U januaru 2006. godine, Upravni odbor FTZ je odredio da građani mogu aplicirati tokom cijele godine kroz 4 aplikaciona kruga, a odlučivanje o podršci projektima građana se rade svaka tri mjeseca: u martu, junu, septembru, decembru. U 2006. godini, Fondacija je primila 25 prijedloga mini projekata u zajednici od čega je odbreno 17. Ukupan iznos odobrenih sredstava u 2006. godini je 10 188 KM.

U priloženim grafikonima je očit porast u broju projekata koji je podržan kroz naš Grant program, a u porastu je i novčani iznos koji smo godišnje izdvojili za podršku građanskim inicijativama.

4.2. Lista podržanih građanskih inicijativa u 2006. Godini


Naziv projekta / inicijative	Grupa građana / organizacija / udruženje	Doprinos FTZ KM	Doprinos aplikanta KM	Ukupna vr. Projekta KM
Izrada bosanskih nošnji	Aktiv žena Simin Han	500	500	1000
Uređenje dvorišta zgrade	Grupa građana(stanari zgrade M.Tesića br.90 iz Simin Han)	488	809	1297
Dvodnevni seminar za planiranje Udruženja škole i roditelja	Udruženje Vijeća škola i roditelja TK	320	300	620
Izrada novog informativno-zvučnog časopisa»Krug»(audio bilten)	Savez slijepih TK	500	500	1000
Kampanja:»Da li znaš šta će da se desi ako kažeš NE plastičnoj kesi»	Grupa nastavnika i roditelja OŠ Centar/	700	405	1105
Sahovski turnir penzionera na dan MZ Simin Han	Udruženje penzionera – Ogranak Simin Han	100	80	180
«Građani u patroli» - smanjenje kriminalnih pojava u naseljima u Tuzli	Neformalna grupa građana – MZ Slatina	500	3160	3660
3 sahovska turnira između nekoliko MZ u Tuzli (27. juli, 16. sept, 25. oktobar)	Šahovska sekcija unutar udruženja penzionera iz ogranka Slatina	300	500	800
Dječja slikarska radionica «Boje prijateljstva» u centralnom gradskom parku	UG Centar za djecu sa višestrukim smetnjama « Koraci nade»	500	1100	1600
«Čuvajmo našu tradiciju» - izrada narodnih nošnji	KUD «Gornja Tuzla» G.Tuzla	500	864	1364
Uređenje dječjeg igrališta u Ul.Armije BiH	Grupa građana – Ul.Armije BiH	1000	1030	2030
Rekonstrukcija kotlova centralnog grijanja OŠ Simin Han	OŠ Simin Han	1000	6600	7600
Prodaja i plasman meda	Učenička zadruga «PČELICA» Simin Han	340	320	660
«Ograđivanje igrališta za djecu»	Neformalna grupa građana iz Gornjih Čaklovića	500	570	1070
«SOS-Pomozimo građanima MZ Bukinje i Š.Brod»	Ekološki pokret «EKO ZELENI» Tuzla	950	2550	3500
«Zaustavimo trgovinu ljudima»	UG MANUFAKTURA Tuzla	1000	3000	4000
Jačanje kulturno-zabavnog života u MZ «G.Tuzla»	OŠ «Gornja Tuzla» G.Tuzla	990	350	1340
UKUPNO		10188	22638	32826

Pregled projekata po oblastima



█ Infrastruktura █ Obrazovanje █ Društvo
█ Kultura, sport █ Ekologija

Udio u projektima



█ GRAĐANI █ FTZ

4.3. Fond za mlade - Omladinska banka Tuzla

Iz posebnog tematskog Fonda za mlade, grupa mladih volontera FTZ, okupljenih u Omladinskoj banci Tuzla, je učestvovala u odlučivanju o podršci projektima za mlade. Odbor omladinske banke je u 2006. godini radio u sastavu od 15 članova, koji su u prethodne dvije godine prošli i teoretsku i praktičnu obuku o načinu rada i donošenja odluka u procesu izdavanja grantova za projekte mladih.

Tokom 2006. godine, raspisali su tri poziva za grupe mladih koji imaju ideju za projekat za dobrobit zajednice i mladih. Od ukupno 30 apliciranih projekata, Omladinska banka Tuzla je odobrila 17 projekata mladih u iznosu od 6400 KM. Na osnovu evaluacijskih listića imamo okvirne podatke da je na svim odobrenim projektima učestvovalo oko 300 mladih Tuzle i da je na projektima učestvovalo više djevojaka nego mladića.

U toku redovnih sastanaka, Voditeljica programa za mlade je organizirala tematske radionice za članove u cilju pripreme članova za javne prezentacije i promociju, pravilno bodovanje, pisanje monitoring izvještaja i evaluiranje projekata i rada odbora.

Treba istaći da je kroz Fond za mlade, u protekle dvije godine, podržano 20 projekata, a ukupan iznos podrške je 8.730,00 KM. Prosječan iznos granta po projektu mladih je 450 KM.

Planirali smo da u 2007. godini, Omladinska banka uradi analizu zajednice i mapiranje potreba mladih, te da se još više upoznaju sa grupama i organizacijama mladih u cilju povezivanja i umrežavanja.

Ono što su drugi rekli za OB Tuzla:

«Drago nam je da postoji ovakav način finansiranja kao i konkretna pomoć za projekte mladih Tuzle»

«OBT pomaže projekte od važnosti za mlađu populaciju».

«OBT afirmiše i pomaže mladim ljudima da ostvare svoje ideje».

Članovi OB su rekli za svoje učešće u projektu:

«Dobro je što smo svi stekli više iskustva i što su oni koji su ostali do kraja u OB postali jedan TIM».

«Nadam se da ćemo zajedničkim snagama održati rad OBT».

«Volim da radim u OBT, na ozbiljnim stvarima tipa podjele grantova, sticanja ozbiljnosti u radu, građenje tima, vježbanje strukture projekta, satisfakcija nakon dobro obavljenih zadataka».

II SARADNJA I UMREŽAVANJE

Fondacija tuzlanske zajednice je članica Referentne grupe Tuzla od oktobra 2004. godine. Pored povezivanja i razmjene iskustava sa lokalnim organizacijama civilnog društva iz Tuzle, Fondacija ostvaruje kontakte i učestvuje u radu nekoliko mreža iz oblasti osnaživanja mladih, te filantropije.

Osnajivanje mladih

YEPP mreža (www.yepp-community.org)

u kojoj su i sljedeći evropski gradovi: Kristinestad (Finska), Antwerpen (Belgija), Torino-Italija, Mannheim (Njemačka), Dablin (Irska)

- 4 mlade osobe iz Tuzle su učestvovalo na 2. YEPP konferenciji u Torinu u martu 2006. Godine
- 4 mlade osobe iz Tuzle su učestvovalo na radionici na temu snimanja video priča iz lokalne zajednice, u Norveškoj u septembru 2006. Godine.

«Leadership»

- Razmjena znanja i iskustava sa švedskom organizacijom Unga Ornar iz Stokholma.

«Filantropija»

- Razmjena znanja i iskustava sa Centrom za filantropske inicijative iz Brisela i Centrom za filantropiju i civilno društvo iz New Yorka;
- Redovna razmjena znanja i iskustava sa „Youth Bank UK“ iz Belfasta u Sjevernoj Irskoj;
- Razmjena znanja i iskustava sa grupom studenata iz „World United College-u“ u Mostaru profesorom Peterom Gardnerom iz Kanade, koji takođe žele da osnuju „Community“ fondaciju u Mostaru.

Organiziranje zajednice

- Razmjena iskustava i znanja sa Centrom za mir i nenasilje Osijek iz Hrvatske kroz projekt „organiziranja zajednice“, ali i inicijativu za osnivanje „Community“ fondacije Osijek.

III PROMOCIJA FILANTROPIJE I VOLONTERIZMA

PROMOCIJA FILANTROPIJE I VOLONTERIZMA

U prvoj polovini godine, radili smo na promociji rada Fondacije i započeli razgovore sa lokalnim akterima o načinu održavanja rada civilnog sektora u Tuzli. Naime, organizirali smo okrugli sto na temu filantropije i volonterizma kako bi ispitali mišljenja svih sektora o ovoj problematici. U svrhu promocije filantropije i rada Fondacije, sastavili smo početnu listu lokalnih partnera, dizajnirali smo novi promotivni matrijal i pristupili posjetama našim kolegama iz NVO-a, školama i poslovnim firmama.

Nakon nastupa na medijima, te organiziranju javne promocije, te na kraju i okruglog stola u aprilu 2006. godine, smatramo da su efekti promocije bili veliki jer su građani Tuzle, više saznali o pojmu filantropije, a posebno su više saznali o aktivnostima Fondacije tuzlanske zajednice.

Treba istaći da se FTZ suočava sa velikim izazovom, tražeći ulaganje sredstva u Fond za razvoj Tuzle od lokalnih donatora, pojedinaca i preduzeća. Preduzeća i pojedinci nisu motivirani za davanje podrške organizacijama civilnog društva, zbog, još uvijek prisutnog, nepovjerenja, ali i zbog nepostojanja zakona koji bi bili stimulativni za one koji investiraju u socijalne i društvenokorisne ideje i projekte.

Prema istraživanju Međunarodnog vijeća za ne-profitno pravo, zakoni o porezima koji utiču na razvoj NVO-a i Fondacija, Bosna i Hercegovina ima najniže dozvoljeno oslobođanje od poreza za biznise koji "investiraju" u projekte za dobrobit zajednice (0.5% od bruto prihoda). Takođe, važeći zakon ne omogućava privatnim licima da imaju bilo kakva odbijanja na ime doprinosa za humanitarne ili društveno korisne programe i organizacije.

U prvoj fazi promocije FTZ i filantropije, smatrali smo da je potrebno ispitati stavove nevladinih organizacija i interes javnog sektora, kako bi se ocijenile mogućnosti za prikupljanje sredstava na lokalnom nivou. Naravno odlučujujuće je upoznati se sa stavovima poslovnog sektora, tako da smo u protekloj godini ostvarili telefonski kontakte sa nekim tuzlanskim firmama: Omega Tuzla, Interex, Privara dd Tuzla, Termoelektrana Tuzla, Dita Tuzla, Reiffiesen osiguranjem, Mercatorom Tuzla. Tom prilikom smo uspjeli dogоворити posjetu samo sa firmom Interex i B&D osiguranjem, dok ostale firme nisu bile spremne na razgovore o investiranju u Fond za razvoj zajednice. U protekloj godini, dobili smo samo jednu donaciju od poslovne firme u iznosu od 1000 KM, ali smo sigurni da će nam dobivena pisma partnerstva i obećanja od nekoliko poslovnih firmi i pojedinaca pomoći u daljoj promociji filantropije i uvećanju Fonda za građanske inicijative.

IV FINANSIJSKI IZVJEŠTAJ 2006. GODINE

BILANS USPJEHA

I PRIHODI	2004	2005	2006
1.1 Donacije	78.911,00	202.393,67	171.076,99
1.2 Ostale donacije i prihodi	8.602,00	20.294,19	24.440,58
1.3 Ostali prihodi, kamate	100,00	8.905,46	18.314,49
UKUPNI PRIHODI	87.613,00	231.593,32	213.832,06
II RASHODI			
2.1 PROGRAMSKI TROŠKOVI			
2.1 Primanja programskog osoblja (bruto) 50% Izvršna direktorica, finansijski menadzer i administracija	18.228,10	43.430,09	23.809,31
2.2 Režijski troškovi Voda, smeće, struja, grijanje i ostali troškovi režije	4.950,19	5.827,09	1.453,29
2.3 Ostali administrativni troškovi Poštارина, administrativne takse, općinski porezi, računovodstveni servis, sastanci odbora, amortizacija, oglasi, obavještenja	4.822,29	27.554,18	24.895,71
UKUPNO	28.000,58	76.811,36	50.158,31
2.2 DIREKTNI PROJEKTNI TROŠKOVI			
2.2.1 Troškovi projektnog osoblja(bruto) Primanja programskog osoblja 50%; Koordinatori/ce projekata(Razvoj zajenice i Osnaživanje mladih), ložač i čistačica u Agora centru, volonterski ugovori, privremeni poslovi za trenere, savjetnike, evaluatorica programa za mlade	22.967,32	60.196,42	86.053,31
2.2.2 Projektni troškovi a Troškovi komunikacije, transporta, kancelarijskog materijala	3.894,60	10.573,94	16.178,54
b Program razvoja Agora centra Osiguranje i održavanje centra, materijal za rad kafe-a, organiziranje treninga, materijal za radionice, volonterske grupe, itd	6.763,60	11.359,27	16.579,11
c Program osnaživanja mladih i zajednice (YEPP) Međunarodni susreti , studijske i edukativne posjete, razmjene mladih i promocije	12.582,90	52.658,60	21.744,10
d Program podrške razvoja zajednice Socijalni program, projekti saradnje sa NVO-ima, program podrške građanskim inicijativama , program podrške za projekte koje vode mladi	12.477,39	18.442,70	21.798,00
UKUPNO DIREKTNI PROJEKTNI TROŠKOVI	58.685,81	153.230,93	162.353,06
2.3 OSTALO			
Provizija banke, kursne razlike i nepredviđeni troškovi	478,61	1.175,59	900,77
UKUPNO OSTALO	478,61	1.175,59	900,77
UKUPNI RASHODI	87.165,00	231.217,88	213.412,14
Razlika prihoda i rashoda	448,00	375,44	419,92

BILANS STANJA

I	SREDSTVA/AKTIVA	2004	2005	2006
1.1	Materijalna sredstva			
	Oprema i namještaj	19.827,00	24.860,00	20.068,00
	Nematerijalna ulaganja – objekat Agora centra	0,00	57.195,00	43.088,00
	Ukupno materijalna sredstva	19.827,00	82.055,00	63.156,00
1.2	Tekuća sredstva			
	Novac i novčani ekvivalenti	43.833,00	123.574,00	36.477,00
	Oročena sredstva	29.614,00	53.116,00	60.117,00
	Potraživanja	202,00	711,00	3.515,00
	Ostala tekuća sredstva/Unaprijed plaćeni troškovi	0,00	200,00	200,00
	Ukupno tekuća sredstva	73.649,00	177.601,00	100.309,00
	Ukupna sredstva	93.476,00	259.656,00	163.465,00

II	OBAVEZE/PASIVA	2004	2005	2006
2.1	Tekuće obaveze			
	Obaveze prema dobavljačima	1.121,00	257,00	574,00
	Primljene donacije budućeg perioda za projekte	69.837,00	174.058,00	96.029,00
	Ukupno tekuće obaveze	70.958,00	174.315,00	96.603,00
2.2	Dugoročne obaveze			
	Dugoročna razgraničenja stalnih sredstava	19.627,00	82.055,00	63.156,00
	Ukupno dugoročne obaveze	19.627,00	82.055,00	63.156,00
2.3	Trajni izvori/Kapital			
	Fond	2.000,00	2.000,00	2.000,00
	Zadržani višak prihoda nad rashodima	891,00	1.286,00	1.706,00
	Ukupno kapital	2.891,00	3.286,00	3.706,00
	Ukupno kapital i obaveze	93.476,00	259.656,00	163.465,00

V ZAHVALNICE

Zahvaljujemo se donatorima koji kontinuirano podržavaju razvoj prve "Community" fondacije u Bosni i Hercegovini: Freudenberg fondaciji iz Njemačke, C.S.Mott fondaciji iz SAD-a, Fondu otvoreno društvo Bosne i Hercegovine iz BiH.

FREUDENBERG
STIFTUNG



Fond
otvoreno društvo
Bosna i Hercegovina



Zahvaljujemo se i drugim donatorima, organizacijama i institucijama
koje su potpomogle naš rad i projekte za osnaživanje mlađih i zajednice tokom 2006. Godine

"INA GmBH Berlin" iz Njemačke
"Dumfries and Galloway Action" iz Velike Britanije
"The 90th Anniversary foundation of His Majesty Gustaf V" iz Švedske
"Compagnia di San Paolo" iz Italije
ProCredit Banka Tuzla
Općina Tuzla
Vlada Tuzlanskog kantona

Veliko hvala svim našim partnerima i savjetodavnom vijeću
bez kojih priča o radu Fondacije u 2006. godini ne bi bila potpuna:

Partneri

Jesuit European Volunteers iz Njemačke
"Swedish Young Falcons" iz Švedske
"MIOS", Međunarodno udruženje
Inter-aktivne otvorene škole Tuzla
OŠ Simin Han, Tuzla
OŠ Slavinovići, Tuzla
Kuća plamena mira Tuzla
Taldi Tuzla
Referentna grupa Tuzla
Televizija tuzlanskog kantona
Radio Vesta
Radio Tuzla
Radio Kameleon
Mercy Corps Tuzla

Savjetodavno vijeće za YEPP i FTZ

Općina Tuzla
Ministarstvo rada i socijalne politike TK
Ministarstvo obrazovanja TK
MZ Simin Han
Aktiv žena Simin Han
Udruženje penzionera, ogrank Simin Han
IPAK Tuzla
Vijeće učenika Simin Han
Regionalni centar Vijeća škole i roditelja TK

Savjet "Agora" centra

Hasib Haračić
Magbula Trle
Sefer Trle
Ferid Atanović
Merisa Mehmedović
Melisa Omerović
Mirela Šabanović
Mirela Husić

VI RIJEČ VIŠE O FONDACIJI TUZLANSKE ZAJEDNICE...

OSNIVAČI

Da se podsjetimo, Fondacija tuzlanske zajednice je osnovana u februaru 2003. godine, kao inicijativa 18 građana Simin Hana, odnosno Tuzle, "YEPP" Programa za mlade i njemačke "Freudenberg" fondacije. Ovi entuzijastični ljudi iz naše lokalne zajednice, željeli su da lokalna Fondacija nastavi program za osnaživanje mladih i zajednice u Simin Hanu i da ga proširi na druge dijelove Tuzle.

Osnivači po abecednom redu:

1. **Aida Novalić**, predsjednica povjereničkog odbora MZ Simin Han 2003/4
2. **Anton Salaj**, penzioner i privanti poduzetnik iz Simin Hana
3. **Čedomir Lukić**, član PO MZ Simin Han i aktivista u zajednici
4. **Danijel Davidović**, privatni poduzetnik iz Simin Hana
5. **Enesa Mujković**, Aktiv žena Simin Han
6. **Hana Čatibušić** Aktiv žena Simin Han.
7. **Magbula Trle**, Predsjednica Aktiva žena Simin Han
8. **Marko Kovačević**, građ. Inženjer, aktivista u MZ Simin Han, Član UO FTZ
9. **Dr. Monika Kleck**, Savjetnica ispred Freudenberg fondacije i glavni inicijator ideje za osnivanje fondacije i pokretanja Programa za osnaživanje mladih i zajednice u Simin Hanu. Dobitnica plakete "Počasne građanke Tuzle".
10. **Munira Bekić**, Aktiv žena Simin Han
11. **Mustafa Čatibušić**, Privatni poduzetnik iz Simin Hana
12. **Mustafa Halilović**, Privatni poduzetnik iz Simin Hana
13. **Nada Dobnik**, Nastavnica u penziji, istaknuta umjetnica i slikarka, aktivistkinja
14. **Omer Redžić**, Privatni poduzetnik iz Simin Hana
15. **Osman Hasić**, Dugogodišnji priznati direktor OŠ Simin Han, sada izvršni direktor MIOS udruženja, jedan od glavnih inicijatora ideje za osnivanje lokalne fondacije.
16. **Sanela Horozić**, volonterka 2003/04 pri FTZ
17. **Selma Pelemiš**, Aktiv žena Simin Han
18. **Suad Tanović**, aktivista i član KUD Simin Han, član PO MZ Simin Han

UPRAVNI ODBOR FTZ

Upravni odbor je najviši organ upravljanja i odlučivanja u Fondaciji. Članovi UO, svojim volonterskim angažmanom, doprinose razvoju ne samo Fondacije nego i razvoju tuzlanske zajednice:

Prof.dr.med.sci Ekrem Jusufović, Predsjednik UO FTZ, UKC Gradina
Mirela Šabanović, Zamjenica predsjednika UO FTZ, studentica Filozofskog fakulteta u Tuzli
Alma Halilović, Dipl. ekon, Direktorica ProCredit Banke u Filijali Tuzla
Asmir Čilimković, Menadžer programa u NVO Centri Civilnih Inicijativa
Enver Dautović, Omladinski radnih u OC IPA Simin Han
Ernesa Mešić, Prof. socijologije, Služba za opću upravu i društvene djelatnosti u Općini Tuzla
Marko Kovačević, Dipl.ing.građevine, Projekt menadžer u "Tehno-inženjeirng" Tuzla
Selma Skopljaković, učenica Gimnazije "Meša Selimović", pridružena članica UO FTZ, aktivna u projektima za mlade

OSOBLJE FTZ

Jasna Jašarević, Dip.ing.hem, Izvršna direktorica
Vera Đezić, Dipl.ing.agron, Voditeljica finansijskih i admin. poslova
Angelina Hodžić, Prof.engl.jezika, Voditeljica programa razvoja zajednice
Amela Suljić, Dipl. defektologinja, Voditeljica programa za razvoj Agora centra
Doc.dr.Jasmina Husanović, u oblasti kultur.studijska na Filoz.fakultetu u Tuzli, Lokalna YEPP evaluatorica
Kadir Beganović, KV radnik na održavanju
Fadila Osmanović, Daktilograf, Radnica na održavanju
Edin Herić, student i Voditelj Cultur-Cafe-a (do avgusta 2006)

VOLONTERI I PRIJATELJI FTZ

Odbor omladinske banke Tuzla

Svi članovi odbora Omladinske banke su volonteri,
koji koriste svoja znanja i vještine za odgovorno i
pravedno odlučivanje o sufinansiranju projekata koje predlažu i vode mladi Tuzle:

1. Mirela Šabanović (do juna 2006)
2. Selma Skopljaković
3. Edin Herić (do juna 2006)
4. Elma Muhamedbegović
5. Zlatan Sadiković
6. Denis Beganović
7. Ema Salihović
8. Muamer Muhadbegović
9. Sanja Čobić
10. Indir Bekić
11. Sejo Herić (do juna 2006)
12. Asmira Mehmedović
13. Anita Šimić
14. Alija Salihović
15. Melika Salihović

"Prijatelji" FTZ su pojedinci koji dali veliki doprinos za razvoj fondacije kroz savjetovanje i druge vrste pomoći:

Monika Kleck, Hava Rizvić, Adnan Gurda, Avdo Suljić, Dragan Đurić, Vera Đezić, Jasna Jašarević, Angelika Krueger, Ossi Pink, Matthias Eichinger, Elisa Ruthe

Volonteri iz organizacije "Jesuit European Volunteers":

Christiana Schweiger
Nathalie Rajević

Lokalni volonter

Erna Lutvija
Inmaculada Serrano
Sefer Trle

Bankovni računi Fondacije tuzlanske zajednice

EUR 194-104-11082012-81
KM 194-104-11082001-17
PRO-CREDIT Banka dd Sarajevo, filijala Tuzla